

Headline	Bayar zakat menerusi Skim Thohir berpeluang tunai umrah		
MediaTitle	Kosmo		
Date	13 Jul 2018	Language	Malay
Circulation	155,996	Readership	467,988
Section	Negara	Page No	19
ArticleSize	225 cm ²	Journalist	N/A
PR Value	RM 17,517		



Bayar zakat menerusi Skim Thohir berpeluang tunai umrah



AHMAD SHUKRI (dua dari kanan) bergambar pada majlis pelancaran Kempen Skim Thohir di Wisma PPZ-MAIWP, Kuala Lumpur semalam.

KUALA LUMPUR – Sebanyak 10 hadiah percutian menarik termasuk kakitangan awam dan swasta bertuah yang membayar zakat pendapatan menerusi Skim Potongan Gaji Zakat (Skim Thohir) dalam tempoh empat bulan bermula 1 Julai lalu hingga 31 Oktober depan.

Hadiah keseluruhan yang bernilai RM28,000 itu ditaja oleh syarikat penyedia pakej percutian dan umrah, Five Estec Travel Services Sdn. Bhd. dan Tenaga Nasional Berhad selaku penaja bersama.

Ketua Pegawai Eksekutif Pusat Pungutan Zakat-Majlis Agama Is-

lam Wilayah Persekutuan (PPZ-MAIWP), Ahmad Shukri Yusoff berkata, pihaknya menyasarkan seramai 4,000 pembayar zakat akan membuat bayaran menerusi kaedah itu yang memasuki tahun ketiga pelaksanaannya.

"Skim Thohir merupakan saluran bayaran zakat pendapatan untuk menggalakkan orang ramai menaikannya melalui saluran potongan gaji bulanan mereka.

"Kaedah ini membolehkan mereka membayar zakat tanpa bertangguh serta menjimatkan masa selain dapat meningkatkan kutipan zakat bagi membantu lebih ramai golongan as-

naf di negara ini," katanya pada majlis pelancaran Kempen Skim Thohir 2018 di Wisma PPZ-MAIWP di sini semalam.

Turut hadir Timbalan Ketua Pegawai Eksekutif PPZ-MAIWP, Abdul Hakim Amir Osman dan Pengarah Urusan Five Estec Travel Services Sdn. Bhd., Sharizan Mohd. Saad.

Menurut Ahmad Shukri, mereka yang mahu membuat potongan gaji atau penambahan bagi pembayaran zakat boleh mengisi borang Skim Thohir melalui kesemua 11 kaunter PPZ-MAIWP, kaunter zakat bergerak atau portal www.zakat.com.my.

Untuk maklumat lanjut sila hubungi talian bebas tol PPZ-MAIWP 1-300-88-5757.